


風陵文庫
文庫19
F234





大明萬曆二十年 五月吉日

金剛證果

護國萬壽寺刊板流行

藏東講
香山新

金剛經證果

僧 四人

宋 天台法空大師選集

須菩提放五色毫光

梁天監中琰法師居長安招提寺

僧忽一日同寺中僧

往占卜吉凶於相師家以次占至琰曰可惜聰明壽天至拾八歲
數盡矣琰歸寺詣藏殿焚香禮三寶發願乞賜經一卷精專受持
禱畢隨手於藏函內抽得經一卷乃金剛般若經也專心受持晝
夜不捨忽一日夜至更深見房中有五色光現須臾見一梵僧身
長丈五語琰曰汝壽十八當亡因汝真誠持念大乘經功增延壽
數言訖潛隱因此感應愈更精勤年踰拾九一日復見相師師愕
然謂琰曰予曾言師壽必夭不期今日再會習何善業喜得天相



已消重添法齡。琰曰：專心持念金剛經，相師稽首曰：吾輩緣在塵俗之中，罔知佛法之功德，有此殊異。觀師此去，壽至九十二矣。後果應相師之言。九拾二坐化，異香滿室。終日。

寫經救苦又成佛

沙門法藏，隋時人，居鄆州寶室寺。性氣盡善，在本州賣自己衣鉢，建殿屋二所。又寫經八百餘卷。至唐武德二年，偶染一疾，昏寐中忽見金剛神，手執經一卷，謂法藏曰：汝造寺寫經，有誤用之罪。我今受汝金剛般若經一卷，汝若至，皆消滅言訖不見。俄而疾愈。爾後勤修諸善行，不涉世緣，壽至七十九歲。延日大眾念妙法蓮華經一七卷。金剛般若經一七六卷。堂端坐，索筆書偈，與大眾相別。俄然化去。一時半空中，阿彌陀佛現，仙樂幢幡，接引往西方極樂世。

題金剛般若波羅蜜經證驗引

吾佛談經四十九年

則二十二載其

部所宣六百餘卷

其名曰摩訶

放光讚小品文

等金剛亦其一

也。然是卷傳世誦者良多，而驗亦不少。若而人皆獲入其波羅蜜門，證在果仁，可無謬矣。法空大師集是編行於世，以護法善人，恨其字脫，捐資再刊，據實而談，非荷擔如來者，寧能爾乎。或

曰此經詮於智慧。又曰空宗則上無諸佛可成。下無衆生可度。證何法門。果在何地。曰唯唯。否。否。無證而證。證真智也。無度而度。度法界也。政如融金造像。意在端嚴。工欲像成。自忘先後。纔見施工。先後宛下。意期。小計其工。而像必定成。豈無先後。其曰。與矣。斯奚測焉。

萬曆乙未臘八日。孫谷文不日書。

界將行。其頌曰。今年九十九。看看何所有。更莫問如何。憑空打筋斗。

仙經度人後化五色雲上天

唐乾元中。廣州僧虔慧。自幼受持。

拾人泛海。往南安都護府。忽值風。

海中。唯虔慧在浪中。偶遇一藪蓬。甚著身。漸至蓬蒿之上。隨浪三

日三夜。方得濟岸。仔細視其蒿中。乃見金剛經一卷。並無淹濕。虔

慧拜受此經。精誠供養。日夜受持。年至百三十歲。端坐告終。其經

本自出香煙。漸成五色雲氣。徐徐上昇天界。大德僧衆。與太守官

僚。遠近緇白。咸駐此處。俟經來。一日夜。莫知所之矣。

誦經十萬卷。往生淨土。

唐永徽元年。釋明濬暴死。醒云。見二青衣引至冥。王問一生何藝。

濟谷曰。但誦金剛經。王曰。善哉。若誦滿十萬遍。明年必生淨土。弟子不見師也。乃放還。濟自此愈加精進。至二年三月。坐化。寺眾咸聞異香。終日。

善男子 二十六人

金剛神手接彦通臂

隋時武牢縣宰陸彦通。日誦金剛經十卷。李密盜起。破城眾賊持劍趕殺彦通。前有一深澗。賊逼近。通躍入其澗。空中見金剛神。以手接彦通臂。置石上都無傷損。女持經有感。特來救你。因得保全還家。神所接之臂。異香數日。至方伯。一日無疾。援筆書偈。香湯沐浴。端坐而逝。偈曰。八十九年。在世隨身做此活計。今日撒手便行。明月清風自在。

仁哲一卷經救八十二人

唐龍朔中。白仁哲為號州耒陽縣尉。運米遼東過海。忽遇惡風。四望昏黑。哲與合船人從。八十二人。盡皆憂懼。仁哲平昔持念金剛般若經。志誠有感。當時整理身心。焚香看。剛經未終卷。忽如夢寐。見空中有一梵僧。身放五色。仁哲曰。汝等八十餘人。宿有惡業。因緣今日俱當沒溺海中。得仁哲經力。今免此海溺之禍。吾特來報汝。勿致憂疑。須臾風恬浪靜。八十餘人俱得濟岸。

孝子刺血寫金剛經。墻生芝草。

唐永徽元年。司馬喬卿為大理寺丞。丁母憂。哀痛無已。乃刺血寫金剛經一卷。纔畢。忽墓上生芝草。長一尺八寸。綠莖朱蓋。取而復生。

吳達往西方還鄉

唐天寶中。常州宜興縣。吳達。每日五更。躬就佛前誦金剛經七卷。

兼禮拜念佛。達自詩曰。五更鍾嚮莫貪眠。抖擻精神向佛前。一拜一聲阿彌陀。花池已種一枝蓮。每日修行。年至九十二。忽別兒女。無疾告終。自見二使者。引見閻摩天子。問達在生作何善業。對曰。自幼至今。專念金剛經。天子合掌。命達坐。朗誦一卷。方念至舍衛國。口中即出妙香。見佛顯現。王不勝忻喜。謂達曰。君有般若之功。吾敕送汝生舍衛國中。承品官之後。受其爵祿。享富貴。子孫顯榮。使者奉命送達。因過舊舍。就空中報妻曰。吾得念經之力。閻王敕令吾生舍衛國中。特來相別。汝等宜受持金剛經。及法華經。陰府深敬此二經。若不能受持。以諸花。行福無量。仍不得殺生。蠢動含靈。皆有佛性。買命放生。得長壽。幸兒女聞之。悲哭曰。不用傷感。人生世間。有一善可憑。命盡如夜眠。天曉還見日月。一向在惡中行。必入黑闇。勉之。言訖不見。

牢偈兩句救罪人

唐大曆中。太原偷馬賊。誣一孝廉同情。拷打旬日。不勝苦楚。並無招詞。推吏疑其為寃。未成文案。孝廉專持金剛經。其聲哀切。晝夜不息。忽一日有竹一段。兩頭有節。何從何處來。眾囚皆

爭奪看。轉至獄卒之前。疑是藏刀。在內室。眾劈開。視之。乃金剛經中牢偈云。法尚應捨。何況非法。眾皆愕然。起敬。賊首悔過。因得脫焉。

斷肉看經。預知世事

唐大曆十一年。衛州別駕周伯玉。日常持念金剛經。公私不易其心。以為功課。一日忽見梵僧前來。伯玉問曰。是何尊者。答曰。吾是般若會上。須菩提也。為汝誦經數年。惜乎不斷肉食。汝若至心求佛道者。必須長齋斷肉。伯玉由此斷肉蔬食。轉加精進。誦持般若尊經。寒暑不輟。後預知世事。壽至九十歲坐化。

螺螄千里送經還

唐時王待制船至漢江風濤洶湧四面昏黑檣傾楫折危險之甚滿船驚惶性命莫保待制亦懼不得已遂將平日持誦金剛經一卷拋棄江中遂得風浪平靜待制惟日深憶此經受持年遠鬱鬱不樂經涉兩月方到鎮江見舟尾百步許有物似毬之狀出沒無時衆疑其異待制差人喚魚人取之乃螺螄輓成一團剖之外濕內乾待制用手分開視之乃是向日所拋之經毫髮無損待制驚喜拜而受之且嘆曰漢水會于九江至有徐數千里舟船往來不可數計然未聞有能持經自彼至此此一不捨其為名耶利耶財耶色耶將必求脫輪迴生死者也嗚乎萬物之中惟人最靈有畢世不聞是經有聞而不見見而不信信而為名利財色役其心不能受持者尚螺螄之不若謂之最靈孰與之哉

健兒頸斷三刀

唐崔昭為壽州刺史有健兒犯極刑處決之際差官吏押往市曹處斬連施三刀其刀自折刺史問健兒曰汝有何術答曰無他術平昔專心持誦金剛般若經遂差人及經來看及開函視之乃見經本已作四段痕跡分明刺史視之合手歡喜讚嘆曰嘗聞此經有不可思議功德今果若是遂免其罪健兒求出家為僧刺史即施度牒號曰三刀和尚

行立走水如平地衆賊感化皆修行

行立唐時陝州人不識一字長慶初常隨善友口授金剛般若經得一年自能背經時常往外為商凡身到處即奉經本焚香持誦一卷一日偶販疋帛三百餘貫往他州貨賣經過峻嶺撞見強賊數人各持刀杖來趕行立箱篋約重五十斤急棄之竟投嶺下深

澗側避墮澗。忽見空中。一金剛神。以手指行立。行立自覺身在水面上。如行平地。眾賊見箱袱。遂即取之。及舉甚重。不能起。賊皆驚異。却在嶺上。招手喚行立曰。你上嶺來。我若殺你。如殺我等父母。行立即上來。賊再三扣問。汝有何法術。答曰。非有術。恐是平日持誦金剛般若經。為佛神力感應。故有斯靈異。賊遂令行立開箱。視之。乃見五色光明。現於經上。眾賊合掌悔過。遂捨一百貫。與行立贖經。前去受持。眾乃發願。棄鎗刀。更不作賊。俱改惡從善。眾賊後皆得成正果。

捨財施金剛經一卷復得還魂

唐武德間。長安蘇仁欽。父文忠。家中巨富。債利加五。大斗小秤。只欲自富。殺生害命。受無極之富。並無一念向善。老墮側中。受身穢身死。其子仁欽。與父無二。恃家富欺人。恣意宰殺牛羊。烹炮物命。

而食。年未三十。殺害生靈無萬之數。忽生諸重病。經年閉目。便身眾生無萬。在面前索命。死見閻君。敕曰。緣汝前世修善。今生受福。今生恣意殺害眾生。享富不識因果。向善。今獄卒驅至刀山。劍樹之上。償眾生之命。欽告王曰。欽在世。不看經作善事。曾施財請金剛經一卷。捨與安國寺僧。神敬受持。此僧遷化。豈無報應。須臾僧神敬。手執金剛經。至天子殿前。言欽曾施金剛經一卷。有般若之功。願王放還魂。王即合掌。放仁欽還魂。鄰人見者。無不驚歎。各戒殺生。回心向善。仁欽得活。印施法華經一百卷。金剛經一千卷。修設水陸大齋。拜念諸功德經。忽夜夢見亡父言。我受地獄無量之苦。今謝汝修行佛法功德之力。今我及上祖七代亡魂。皆生天界矣。

金剛神換文章揚陰德子中狀元

唐大曆中夔州推司楊旬常持誦金剛經。虔心正直。積累陰功。感動穹昊。有子年二十三歲。習科舉業。一日稟父要入試場。父云。汝學未充。不可。其父當夜夢一金剛神。謂曰。汝念金剛經。陰騭有感。吾特來報。汝子將來必貴。若應科舉。改作楊椿名。納試卷。吾場屋中。助子筆也。旬既得夢。次日令子作楊椿名。納卷。果中第六名。次年赴省試。椿自夢見一金剛神。語椿曰。今年省題。乃是行王道而王。汝可預留心。切勿漏泄。正試日。題果其黃。試中第九十六名。及殿試畢。試官納三名卷子。御榻上。擇日折號。唱名。椿又夢神人語曰。汝策甚好。却不中文。王意。打在第廿五。吾今將汝卷。在御榻上。換了第一名。後日唱名。汝定天下都魁。蓋緣汝父子平日念經行善之報。至期果應其夢。史君聞推司楊旬之子。中天下都魁。請旬賜坐。令旬解職。旬告史君曰。念旬平日。仰托二天之庇。奉公四

拾年。家無資產。惟積陰德。留得三箇怪囊。乞台旨取來。當廳開看。第一箇只有三十九箇。當三錢。第二箇有四千九百七十五箇。折二錢。第三箇計萬數小錢。史君曰。請言其。曰。每年承鞠勘公事。遇有死囚。詳其情理稍輕者。改為流。當三錢。有犯流罪者。定為徒罪。投一折二錢。有犯杖罪者。量輕或釋放之。便投一小錢。又每劫周虓。行太上感應篇。十種利於人。一收街市遺棄嬰孩。買乳看養。俟年十五。願識認者。還歸父母團圓。二每年十一月初三為始。收六十已上。十五已下。乞丐貧人。入本家養濟院。每日給米一升。錢十五文。至二月初三。已滿一季。令其自便求赴。三普施應驗湯藥。救人疾苦。四施棺木。周急無力殮送之家。五有女使。不中使喚。不計身錢。量給衣資。從便改嫁。六旬處於世。專一戒殺。救護衆生。遇有飛走物命。買贖放生。七每遇荒歉之年。其糧食貴

羅賤糶賑濟貧民。八應有寺觀崩損者。為修理之。聖像年深剝落者。為裝飾之。或橋梁道路溝渠不通損壞者。皆為修焉。九有遠鄉士夫客旅流落者。斟酌遠近。以助米糧。周旋還鄉。十尋常以物濟人之急。救人之危。感動穹蒼。賜旬男。今日奪天下都魁。皆因旬平日奉公行善之所致也。豈敢捨公門退職而自求安逸耶。旬詩二首。以呈史君。曰。夔郡楊椿作狀元。為父司權四十年。推情貸活人無數。積累陰功感上天。人道公門不可入。我道公門好修行。若使曲直無顛倒。脚踏蓮花步步生。於是史君不送楊旬出公門矣。

崔尚書斬軍復活

唐乾符年間。兗州都督使崔尚書。法令其嚴。有一軍校。衙參不到。崔公大怒。令左右斬之。其軍校就戮。顏色全然不變。眾或異之。當時斬訖。至三更。軍校睡覺。祇見身体卧在街上。遂走歸家。妻兒皆

驚駭。恐是鬼魂。謂妻曰。我非鬼也。初被斬時。如醉夢中。罔知所以。今忽睡覺歸來。舉家歡喜。明旦至帳前拜謝。崔公驚愕。謂曰。汝有何術。今敢復來。軍校答曰。素無他術。自幼至今。每日持念金剛經三卷。昨朝失曉。誦念過期。有犯軍律。崔再問曰。汝知斬時否。答曰。初押出戟門外。只覺身如醉夢中。都不記憶。又問曰。汝所誦之經。在何處。答曰。見在家中佛厨函內。崔急令人取來。及開函。只見五色毫光。取經看時。已作兩段矣。崔大驚異。亦自悔過。撫慰軍校曰。我與汝幣帛。與買銀箔。倩寫此經一百卷。就延壽寺。命僧看念懺悔。一時散施。留經十卷。恭就本寺佛殿供養。仍令圖畫就戮之處。并斬經之像。以彰多跡。軍校後一百零四歲坐化。

孫翁在石中坐十二年復出

唐政和中。真州石匠孫翁。每日持念金剛經三卷。一日。同二十餘

金剛經果
人入山鑿石。忽山崩。盡喪其中。唯孫翁在石罅。得活。經一十二年。因子孫鑿石。穿透。見翁端坐石窟。容貌如故。子孫驚拜。問翁何以得生。翁曰。常持金剛經。又問。飢否。始因喫一箇酥餅。至今不飢。翁問曰。我昔所看之經。在否。子孫答曰。有。遂還家。取經看時。經上有一圓孔。恰如酥餅大。凡見聞者。無不贊嘆。此經有不可思議功德。能救護孫翁飢渴碎死之患。難也。

梵僧現神醫承信病

宋紹興二年。宋承信居秀州華亭縣。因患翻胃之疾。數年百藥不能治療。忽一夜夢見有一梵僧。謂承信曰。汝乃宿世冤愆。遂致今生受諸痛苦。汝知否。應有世間男子婦人或瘋癱。或癆破。或盲聾。瘡癩。或疾病纏身。經年累月。枕卧床蓆。將死不能。氣絕者。其魂多攝在陰司。拷校前生今世所作惡罪。因緣果報。毫髮不差。若有奉

房。見甕上桶內有湯。罪人皆去喫。朱亦覺渴。方欲去飲。被吏呵住。曰。聽佛法之人。不得飲此。乃驚覺。心疑此夢。信步行至大街。入巷。果有人家。與夢中無異。扣門入其家。主翁見進士至。急忙相接。朱問。適來宅上廚房。有何動靜。主翁遂問家人言。厨養六箇小犬。內一枚死者。朱即驚忙流汗。自謂若不聞佛法之力。遂入狗胎。化為畜類矣。因棄其舊習。專持念金剛般若經。寒暑不輟。壽至八十九歲。功行圓滿。於八月十五日。遍請諸山師德。各親朋相送。就昇於後園樹枝稍上。說四句偈。與眾相別。忽然立化。偈曰。八十九年。朱公兩手劈破虛空。兩脚踏着白雲。立化菩提樹東。

和王之子夢遊冥府

宋乾道七年三月十三日。左中大夫龍圖閣侍制。提舉佑神觀。璠和王之子也。偶夢見父和王偕母夫人。龍圖省記。考妣已棄。謂孤

恐急去。懇留為十日之款。和王許之。龍圖再拜勸酒。委曲如生之禮。龍圖泣。和王及夫人亦泣。龍圖稟考和王尋常所修功德。燒獻錢馬人物。用得否。和王曰。用得。再問釋道功果。孰勝。和王云。一同。但舉手翻覆。龍圖又問。世間經文孰勝。和王荅曰。陰府深敬重金。剛般若經。汝若為吾印。施得一千卷。最為第一。龍圖諾云。容造以獻。和王曰。可。時已暮矣。傾刻有一急足。從水。竹來。覆酉時。有金字牌。過楚州。龍圖再稟。大人今在何處。和王云。吾管地部。眷戀間。忽然睡覺。不勝悲感。淚流枕蓆。遂念和王英爽不昧。神色如生。蓋和王為宋大將。歷百戰。戡定禍亂。大功不驕。受降不殺。全活甚衆。入扈殿四十年。未嘗妄刑一人。忠厚明恕。宜得功德之助。有所主宰。且說人間所修功德。看誦經文。焚冥器。陰府皆得用之。又知善惡報應。冥陽二途。無間彼此。亦足以勸世之為善者。龍圖恭覩釋

施金剛經。或自施書寫。或畢世受持。纔舉心動念。遂感陰府曹官。校察善功。先放鬼鬼附體。次遇良醫。其病即愈。睡覺省悟。明日。令妻焚香。躬對諸佛之前。發願。甘許奉施金剛般若經一千卷。兼願畫形受持。爾後又夢見有一金剛神。賜藥一丸。令承信吞之。次日。其病即瘥。將養月餘。身輕體健。容貌精神。俱獲復舊。凡見聞者。合掌稱嘆。此經有起死還生之功。可不信且敬哉。

金剛神救唐珍罪輕免流

宋唐珍。乃紹興府會稽縣押獄。日常持誦金剛經三卷。寒暑不易。紹興八年。因褚旬。諸茂。偷換官錢。事覺連累。由縣申解本府。趙相公判送司理院再勘。唐珍等。至夜夢二金剛神。語珍曰。汝得平日持念金剛經有感。汝但放心。臨斷之際。吾當助相公神筆。先判褚旬。諸茂。各決極杖。配鄰州。汝決杖一百。回監。俟贖足日。呈放還家。

睡覺再三思量。我既為首。所犯刑名。其罪是一。安有輕重。殊不可曉。以致臨決。斷之時。逐一果應其夢。毫髮無差。所見所聞者。咸感其異。方知金剛般若之功。有不可思議。持經能感金剛神力。實為張主。手筆復何疑哉。爾時發願。印施金剛般若經三百卷。盡世專精受持。壽至八十五歲。無疾坐化。

聽說經人免化畜生

宋朝蘇州府朱進士。服儒衣冠。習舉子業。昔罔知佛法之妙。一日閑遊。偶至虎丘寺。正值佛印禪師。講演金剛般若經。至一切有為法。如夢幻泡影。如露亦如電。應作如是觀。師遂解說佛法大意。朱聞之甚喜。自念平日。未嘗聞此佛法。深有理焉。惜乎圓滿。歡喜回家。次日午刻。忽睡去。夢見一鬼吏。押五個罪人。朱亦隨後。約行二里許。見一大街入巷。門掛青簾人家。鬼吏揭簾。罪人皆入。至厨

迦世尊降生日。就資福禪寺。修設天地冥司。水陸大齋一會。及眾僧若干。如法修理。金光明三德妙懺一七。晝夜命僧看誦金剛般若波羅蜜經一藏。計五千四十八卷。又施金剛經一千卷。用資二親冥福。

周與被劫打殺十八箇月復活

宋熙寧元年。揚州府承局周與。自幼日誦金剛經一卷。公私不易其心。太守莫濛。差與賞幣香燭壽禮。約有一。既貫。往送在朝丞相生日。行至瓜州渡。客店郁三家投宿。其夫妻見承局行李重貨。喚兄郁二。謀意商量。夜至三更入房。將周與潛地打殺。離店五里許。埋在路傍。行李財物。盡行劫去。緣承局過限。回劄文引香無所歸。其妻子被官府兩次監禁杖追。倏經一年。實難追獲。後因太守被召赴任。帶一行人從起程。未及到瓜州渡五里。忽有一朵蓮花

金剛經果
十一
攔在路上。太守令從者折之。不斷。刀斫亦不斷。遂掘至四五尺。只見一死人。其蓮花口中出。衆人愛護取出。仔細看時。尚自眼動。再三熟視。却是周承局也。取到人家。以湯徐徐調理。次日方能言語。云。被客店郁二等。劫死埋地。已得十八箇月。太守驚問。因甚活。且不飢。答曰。得日前持誦金剛經力。被埋一地。如夢。見有一金剛神。將一朵蓮花。插在周與口中。至今不覺飢渴。守令掌讚嘆云。嘗聞此經。有不可思議功德。自愧將與妻子。經年監禁。悔何及矣。且平日問理公案。不知冤枉了多少。即移牒揚州府官。請速為釋放。周與妻子。立便差人追捉郁二。三并妻人等。究問明白。郁二等招伏打死周與。劫了錦段香燭。并獻壽禮物。一欵招成。二人盡問死罪。妻子盡流海外軍州。永不放還。周與承佛功德復活。善既有報。其惡亦然可不戒哉。

寫四十九卷金剛經救脫七千魚難

荆州江陵縣李玄宗女。年十三歲時。夢見梵僧謂女曰。汝有善心。何不持念金剛經。又云。世間若有善男子。善女人。每日淨心能誦一卷。陽間增延福壽。壽筭百年而終。即生天界。若能究竟般若。直涅槃彼岸。或有看經。雖未圓滿。就死入陰府。不能拘錄。即判生富貴之家。受諸福祿報。玄宗女依僧之囑。日誦三卷。年二十四歲。不願嫁。忽患傷寒。三日而卒。有二使者。引見閻摩天子。照看其女無罪。及見女子頭上。有佛顯現。王云。此女既有般若之功。即判還魂。臨放時。王囑曰。汝父有殺害之仇。遂使陽間先減二紀之壽。不久。進入陰司對證。因汝父好將活魚切鱠。今有魚七千餘頭。狀訴索命。汝若不信。歸陽間。汝父每夜夢見落在網中。日日頭痛。此是魚求報也。女得還魂。以陰府事。逐一白父。其父知驚惶無措。遂同女

往天寧寺大佛殿內齋僧百員發願斷除葷酒手寫金剛般若經四十九卷寫經已畢玄宗忽一夜夢見有數千青衣童子俱拜玄宗口稱我等昔日被君殺戮各經陰府訴其宿冤索君性命今蒙寫經功德我等咸承善力出離三途之苦各得往生善道君既釋放陰司復還原壽又添遐筭玄宗聞之不勝忻喜自爾持經文不輟為善不廢壽至百二十歲無疾索浴告終

改惡從善生拜丞相死作閻王

馮察院日常持誦金剛經三卷年二十八歲一日為國事修劄具奏皇帝當夜四更忽見兩使者追入冥府引見閻摩天子敕曰汝壽合七十九官至樞府緣汝奏劄於國損民汝當絕祿除筭馮驚惶俯伏告曰臣既陽壽未及乞賜再生誓當畢世持經常行陰陽不造罪衍有犯天律王憫其回心向善放回陽世再三誡諭曰凡

掌權政可製簿一本日間作事夜必書之既不可書必不可作此延年之術統舉一善惠恤民物增延福壽若用刻剝之心上帝惡之則促壽減祿馮得再生日行方便利國安民陰德日著壽至九十八歲官拜丞相忽一日疾卧有第九方十一歲出廳前嬉戲見無數牛頭馬面獄卒子問諸鬼曰何緣來此鬼吏答曰吾等特來迎接閻摩天子其子驚惶哭入堂內以所見白父丞相撫掌曰生為上柱國死作閻摩王是吾職也頃日休將訟筆逞文華迴禮空王樂出家已發一心歸大道不須六賊苦攔遮歡同妻妾終成疾位極公卿一似花從此晚年馮慧劍斬將名字寄丹霞索浴更衣坐化又頌曰大洋海裏打鼓須彌頂上聞鐘業鏡將來爍破翻身透出虛空

姜學士死見九頭龜還魂修善

遂州姜學士村居二十三歲暴疾天亡見二使者追魂引見閻摩天子。敕曰：汝前身修福注今生壽年八十二歲丁丑科赴試得舉官至公卿。汝不合好殺衆生食肉有犯天律。玉帝敕令汝減筭絕祿。汝既讀書豈不聞海州雷雨七日七夜天降石鼓。記曰：萬物唯心造。為牛最苦辛。君看橫死者。盡是食牛人。昔有進士。更信殺牛食肉。恃文章聰明。毀謗三寶。自死之後。受諸地獄之苦。今變為烏龜。王敕鬼吏牽烏龜至殿下。令姜學士看。其龜有九頭。頭目並皆流血。苦痛不已。此即更信也。有一鬼吏語生曰：汝急告天子。改惡修善。乞賜還魂。若判入地獄。無有出期。生曰：有何門路。願求指教。鬼吏曰：陰府深敬重書寫受持。妙法蓮華。金剛般若經。汝若發心。即獲脫免。生遂告天子曰：念生雙親垂老。別無兄弟侍養。處世年幼。不知罪福。致犯重罪。雖讀更信文詞。却不曾毀謗佛僧。既陽壽

未終。乞賜放回陽間。奉養父母。發願書寫妙法蓮華經。金剛般若經。畢。世食素。精勤受持。天子憫其回心。責放還魂。天子誡曰：汝回陽間。孝養父母。恭敬三寶。誦持經典。修行善業。若再違犯。卒入黃泉。千佛出世。不通懺悔。姜學士既得還魂。親識隣里。咸來詢問。其由。無不慚愧。改過自新。

包龍圖裂地見霍參軍言善惡

霍參軍誦持金剛經。忽見廳下地裂。湧出包龍圖。稱吾是速報司。霍曰：報惡不報善。善者受飢寒。惡者受衣食。清者難度日。濁者多榮華。孝順多辛苦。忤逆人快樂。速報司當靈不靈。當現不現。既靈。須顯靈。既現。須教現。願賜一明言。免致閻浮衆生怨。包龍圖答曰：吾掌速報司。非是不報惡。非是不報善。善者暫時貧。惡者權飽煖。濁逆曲惡輩。公案。尽抄名。第一批名姓。二除福祿神。三教絕後代。

四遣禍星臨。五使狂心計。六被惡人侵。七須壽命短。八報病纏身。九遭水火厄。十被王法刑。如此十苦難。盡是十惡人。參軍休問我。照鑑甚分明。一朝天理現。萬禍一齊臨。詩曰。湛湛青天不可欺。未曾舉意早先知。善惡到頭終有報。只爭來早與來遲。霍參軍再問。速報司陽間有僧尼善友及士夫黎庶能受持金剛般若經之人。將來百年命盡。死入幽冥。得超昇否。包龍圖答曰。用得。

善張隱死三七借屍還魂

張隱。年方弱冠。食素。常誦金剛經。同里屠兒。亦名張隱。為殺猪羊數多。被冤仇陰府訴冤。准閻摩天子敕使。追持經張隱。責曰。汝生處世。何得殺害生靈。隱答曰。看經為務。不曾宰殺。王索業鏡照看。果有善根。天子問鬼使曰。張隱合得壽多少。鬼吏閱簿。壽至九十歲。天子語隱曰。汝既不曾宰殺。兼乃持經。今放汝還魂。隱死時。

正當仲夏。已經三七。屍體腐壞。不任再附。復來告王曰。汝屍既不任托。敕使者急追屠兒張隱。來受報。王謂持經張隱曰。汝與屠兒同名同姓。同年月日時。宜托彼屍而活。屠家見夫死三日。復省。不勝忻喜。畧不顧。徑走歸元居。語本妻子曰。我再得還生。屠家認作夫。看經之家認作父。兩家各諍。孰能甄別。於是經官乃明準刺史判曰。身魂兩主。姓名不殊。生本各枝。死回同氣。身屬屠家。其情性音聲。却是持經之人。實難分辨。兩家輪流。各養一月。仍候具實。表奏朝廷。以為罕事。從此屠兒子孫改惡從善矣。

金剛不壞身百箭亂射不入

唐徐玘。富陽人。當杭州府吏。每夜五更。持誦金剛經三卷畢。方入公門。其家富庶。忽一日。有劫賊百餘人。入徐玘家。將老少。細在箭梁上。玘云。金剛不壞身。今日如之何。須臾只見佛現空中。畏心稍

釋衆賊咸放箭射之。連發百箭。或中墜陸地。現身上下俱無傷。衆賊驚駭。問曰。汝有何術。答曰。無術。每日專心受持金剛般若經。想是三寶龍天救護。有此感應。衆賊合掌驚悟。即釋放之。皆棄鎗刀去修行矣。

活佛勸陸翁誦經日殺猪羊數十無罪反成道

湖州城南屠戶陸翁。年二十三歲時。門前見一雲水僧。稱教化有緣人。陸不領解。僧云。汝殺猪羊不計其數。何不改業。陸云。承龍祖業。不忍棄捨。僧云。汝若不改。後世必墮此類。仍被他殺。冤冤相報。無有出期。貧僧觀汝宿有善根。何不心妙法蓮華經及金剛般若經。汝若受持。消除惡業。增長善福。豈不見仁宗皇帝御讚蓮經云。六萬餘言七軸裝。無邊妙義廣含藏。溢心甘露時時潤。灌頂醍醐滴滴涼。白玉齒邊流舍利。紅蓮舌上放毫光。假饒造罪如山嶽。

只用蓮經兩三行。僧言訖。回頭不見。陸遂省悟。想是佛及觀音菩薩化身來勸化我。即請畫工繪裝阿彌陀佛觀音勢至。相一軸。設席供養。自素食。投師習誦妙法蓮華經。金剛般若經。未及五年。自能暗誦。且如明日宰殺猪羊幾許。頭夜。佛前焚香持誦蓮經一部。金剛經一卷。對佛懺悔。口稱來晨殺猪羊幾口。願將看經功德。超度被殺猪羊。盡此報身。早生淨土。願我命終之時。免斯冤對。朝日相似。陸反覺身輕體健。自得其樂。年至八十一歲。將死。半月之前。徧請親戚朋友。市戶隣居。言在十一月初九日辭世。至日。聊備蔬食。祇迎相別。至期。俱赴齋罷。硬然索浴。更衣。端然正坐。頌目六十餘年專殺業。手提刀秤暗修行。今朝得趣菩提路。水裏蓮華火裏生。頌畢。化去。在送親朋士夫鄉友。無不瞻仰。無不稱嘆。時親人周璟亦同相送。讚曰。陸翁處世實奇哉。兒女親緣笑滿腮。八十

一年如夢見百千三昧絕疑猜殺生不礙真如性念佛先空罪福堆感得慈尊來接引水晶宮裏白蓮開。

施財托人看經亦得福

唐憲宗元和八年三月河南節度使吳少陽出巡各郡舟行間遠視一驛夫岸行足不蹈地使久視心思異哉遂差人喚此夫至問曰汝是何驛之夫夫曰小人非驛夫住驛傍之小民被公差一時捉充驛夫使曰汝在家做何生理姓甚名誰答曰小人姓全名信夫妻二人賣酒腐營生素食三十餘年每日朝晨持誦金剛經三卷日中空閑念佛本財只有三兩每日賣水餘錢除夫妻食用外或買緋燒或施貧人不害一切生靈一心公平是也使曰善哉功德知足之人也汝看三十餘年金剛經肯賣否信曰遇價亦賣使曰每月與看經工食銀一兩每年十二兩三十餘年共與汝價銀三

百六十兩你意何如信曰憑老爺可也於是即取銀三百六十兩與信上岸而回使再視之信足行地上矣至九年閏月之十五日使病將終惛去見多鬼來拘縛正無措之時偶見一金剛神自天而降叱退鬼曰此人舊年買有般若經乃得繩縛既大命該終幢幡請散行可也鬼吏皆跪回唯命是從少陽醒告妻子悔曰我一生自不曾奉一日之齋今有十分大罪得舊年途買全信金剛般若經力今減一半之罪若自己已在世奉得數日之齋罪亦減八分矣今日黃泉路上悔之無及乃囑妻子曰你們在世定要奉持金剛經莫到臨終時悔是遲也再者多出些錢財請僧虔誦金剛經救我幽冥中之苦言訖瞑目而終以此觀之人在世間自不能奉齋看經出錢與人代看經臨終時亦有用也。

善女人 八人

金剛經果
妻賣子寫經救夫出地獄

唐武德間信士陳昭江陵人日常齋素持念金剛經累積功行有大蟒時來座側聽經畢即退每日如有鄰人力昌勇悍不信佛見蛇往來疑是妖怪潛伺打殺其蛇銜冤訴于閻摩天子敕使者追力昌魂至冥司令蟒纏身噬嚙苦痛難忍力昌遂托夢告妻曰我在生打殺二蛇其蛇本要聽經百卷可以昇騰只少七卷我不合打死今被蛇咬苦楚不可勝言可與我請僧寫得金剛經七卷躬就佛前懺悔以救倒懸之厄妻覺而憶其夢欲依寫經奈何口食不給倍增悲苦有男名僧護方年五歲力昌何事悲哭母說其由僧護即答曰何不將兒賣却以救其父母益哽噎抱兒出市賣與蜀客得錢兩貫與子分離心腸痛割遂請僧寫經七卷對三寶前苦心禱祝一願夫力昌承經功德解釋冤尤二願母子再得相見

自別之後憶子目盲但每日誦念金剛經求乞於市其子隨客往蜀一去三十年繼父母俱亡忽念親母賣我寫經薦父不知存亡遂收拾家資復回江陵尋母未即能見買宅暫居忽遇節臘祭祖就齋求乞老嫗數人來則誦金剛經一卷意回向僧護云我年幼喪父我母將兒賣身薦父今得回鄉尋母不見願得父母同護起昇數中一婆婆便叫郎君我是汝母汝是年五歲賣你寫經薦父見有膏契稿在我籃兒內僧護索契讀之悲喜交集焚香拜告三寶天地神祇今得母子相見緣母目盲不能認子遂取水漱口躬對天地與母舐目左右皆明遂得母子團圓聞見者莫不讚嘆

寫經七卷救脫刀劍林地獄之苦

唐龍朔中洛州景德寺比丘尼任五娘死後立靈座供養月餘其弟妹每夜聽得靈座有呻吟之聲初甚恐因焚香問之靈即答曰

我在世不合犯五重罪。一不合在房非爲。二好食肉。三作踐。五穀。四灑潑羹湯。五殺害衆生。又將活魚作鱠。凡被殺衆生盡在陰司。要我逐一償還。今閻摩天子。敕令我受刀劔林地獄。一日一夜。萬死萬生。痛不可忍。即今身上有折刀七枚。痛入骨體。我因告冥府。鬼吏有何因緣。能免此苦。鬼吏答曰。汝生前所造。心業深重。受此地獄。若要脫離。必得陽間孝子。順孫。爲寫得金剛經七卷。圓成。可免此苦。答曰。別無孫子。祇有親弟妹在家。求暫停苦。願於回家。求救。蒙許而歸。望弟妹以骨肉之情。將我生前遺下衣資。變賣。得錢。捨入淨土寺。求寶現大師。爲我寫經一卷。弟對佛前懺悔。脫我無邊重罪。早離地獄。辛酸之苦。於是弟妹遂依所囑。即爲出賣遺物。命僧寫金剛經。纔得一卷。冥司獄吏。天子敕令。即與任五娘身上。抽出一刀。寫經七卷。圓滿。其刀盡皆抽出。承此大乘經典功德。

凡此索報應生靈。悉得解脫。各生善道。其任五娘業障冰消。出離地獄。得生人天。一日復來拜謝。弟妹方欲詳問。遂不見矣。出報應記。

盧氏心堅佛燈現

唐陳國寶公。夫人盧氏。芮公寬之妹也。一日。女信罪福。嘗誦金剛般若經。卷將終。仍有兩三分。忽頭痛火滅。自念儻死。不得終卷。力疾索燭。要續圓滿。而火悉滅。婢使空回。夫人嘆息不已。忽見燈炬漸次升堂。直入臥處。去地三尺許。又無人執侍。光明若晝。夫人驚喜。急取經看之。有頃。家人鑽燧得火。燭光即滅。自此病亦痊。日誦五卷。一日。芮公將死。夫人往省視。公謂夫人曰。吾妹誦經精恪。冥司注記姓名。又添遐美。異日必有果報也。夫人壽至九十。無疾索浴。自言今往極樂國。九品蓮花池內。托質化生。言畢。與衆親分別。端坐而化。

劉氏堅修坐化

何軫妻劉氏年二十六歲生一男兩周。女方周滿。忽夜夢入冥司。判決劉氏來春三月命終。覺後思之。憂惶涕泣不已。其夫與親屬咸問哭泣之因。答曰。嘗夢入冥司。判我只有半年在世。至期果死無憾。但惜兒女無依。忽一日自省。遂命畫士繪畫佛像一軸。恭敬供養。斷除葷酒。晝夜恭對佛前。精虔持念。金剛般若經。回向發願云。願我佛慈悲。增延世壽。若滿四十五歲。兒女皆有娶嫁之期。死入黃泉。亦自瞑目。每日專心持念。至三十八歲。兒得娶婦。及四十三歲。女得嫁人。以滿所願。至太和四年冬。恰滿四十五歲。悉捨衣資。莊嚴佛像。俱畢。一日徧告骨肉親緣。吾死期已至。何軫以為鬼魅所纏。不信。至歲除日。劉氏自請大德沙門。祇對三寶之前。禱畢。齋戒沐浴更衣。獨處一室。跏趺而坐。高聲誦念金剛經畢。寂然無聲。兒女親屬俱入室看視。端然而坐。已化去矣。凜然如生。唯頂

熱灼手。凡四眾士庶見聞者。無不歸敬。三寶讚嘆希有。何軫以僧禮塔。塋於荆之北郭。出酉陽雜俎

王氏孕二十八月施經金剛神護婉子母双全

宋紹興九年。明州王氏。日常持念金剛經。日嘗往岐州仁所。身懷六甲。二十八箇月。不能分娩。兼以多病。形骸羸瘦。慮生產之時。子母難全。憂惶不已。一日倚門而立。偶見一異僧。教化曰。同增福利。王氏將錢捨施。僧云。娘子有善根。何不印施金剛經。若發心印施一千卷。見世增延福壽。父母子孫團圓。所願皆遂。福及七祖先亡。一切眷屬。咸獲延昇。王氏猛省。依僧所囑。遂印金剛經一千卷。齋僧一千員。就念經一千卷。躬就天寧寺。對三寶前懺悔。求願保佑。生產之日。子母雙全。早祈感格。齋還家。至夜三更得夢。自見金剛神。以杵指王氏腹。其痛不可忍。及覺已生二男子在床。相貌圓滿。

令人愛樂。仰謝般若之功。天神衛護。報應之速。王氏既得母子雙全。不勝忻喜。爾後專心齋素。誦經不輟。年至六十一歲。無疾。忽爾身亡。目見二使者。引見閻摩天子。敕問。汝在生作何善業。王氏答曰。自幻持金剛般若經。至今每日不缺。天子賜金床。與王氏就殿側坐。朗誦一遍。救拔地獄辛酸之苦。一時停息。諸受苦地獄之人。普霑恩利。天子再問王氏。何不誦咒。答曰。世間無本。敕令鬼吏於藏中取咒本。付王氏。囑曰。汝歸陽間。展轉流通。切勿遺墜。天子又曰。今再賜汝壽三十年。向後壽終。遂生極樂世界。不復再來此處矣。王氏二七日還魂。後至九十一歲。無疾坐化。現五色毫光。徃西而去。補闕真言。唵。呼嚧。呼嚧。社曳。穆契。莎訶。一回向真如實際。心心契合。二回向無上佛果菩提。念念圓滿。三回向法界一切眾生。同生淨土。

刺李氏身血當酒賣

泗州書生趙壁。赴京。其妻李氏已亡。後壁及第還家。離家十里許。倦睡。夢見亡妻。跪路傍哀告。乞夫君救奴。夫曰。何事。妻曰。奴在生之日。口福重。殺害物命甚衆。每於蟹山。地獄。被群蟹鉗其眼目。及食噉。自死之後。閻摩天子。敕驅入蟹山地獄。被群蟹鉗其眼目。及遍身流血。晝夕受苦。又前生不得吐酒餘殘。飲剩盞脚。及作踐飯。粥羹湯。陰司積聚。五石九斗七升五合。使奴陽壽先減一紀。又受三七日大地獄苦。再閻王敕差獄吏。監奴賣酒。以俟無常鬼。追到亡魂。俱勒來買酒。却就奴身上刺血。應賣五石九斗七升五合。務要補填原數。足日。別受地獄。今聞夫主及第榮歸。特來哀告。陰府深敬。書寫金剛般若經。乞將奴房奩變賣。若為奴寫得七卷。仗此般若之功。實可救拔地獄之苦。其夫允諾。統到家。即便捨財。請僧寫經。

方了兩卷。一日備祭禮為妻上墳。方到墓側。忽見一老翁言。吾是山神土地。言汝妻承寫經功德。昨日午時。准閻摩天子敕上昇天界。地下不復見矣。言訖不見。豈不見。

佛印禪師戒殺文曰。鱗甲羽毛諸品類。眾生與佛心無二。只為當時錯用心。到使今生頭角異。水中遊林裏。戲忍將來。充日許磨刀。着火或研蓋。口不能言。眼還覩。或槌棹。或刀刺。牽入鑊湯深可畏。燒燬毛羽刮皮鱗。刮脊宛心猶吐氣。美君喉。誇好味。勸子勸妻言。峻利。只知恣性縱無明。不懼陰司毫髮記。纔覓對。至面覩閻王殿。前爭敢諱。徒頭。二報無差。爐炭鑊湯何處避。勸賢豪。須戒忌。莫把眾生當容易。食他一鬮鬮還他。古聖留言。終不偽。戒殺兼賢買放生。免入阿鼻無間地。○又滿庭芳詞曰。鱗甲何多。羽毛無數。悟來佛性皆同。世人何事。剛愛口頭肥。痛把眾生剖割。刀頭轉。鮮血飛。

紅零炮碎炙。不忍見。渠儂喉嚨。纔嚙罷。龍肝鳳髓。畢竟無踪。謾說。得生前壽夭。多凶。奉勸世人省悟。休恣意。激惱閻翁。輪迴轉。本來面目。披毛戴角。改換片時中。

妻勸夫念金剛經一分免死還魂

縣尉王迪功。好鷹獵。殺害眾生為樂。有妻在家。日誦金剛經。一日妻正念經。見夫出獵方歸。其妻勸夫誦持經功德。分第十五。同念此一分。不肯終卷。竟入廚房。蒸炮物命。恣意飲宴。後過五年。迪功忽患風中。在床經年不愈。一日自見二使者來。追命盡而卒。唯心頭有氣。二使引見閻摩天子。怒責迪功曰。汝既受爵祿。何不福上增修。却好殺害生命。減筭絕祿。令獄卒驅入鑊湯之內。其鬼吏檢簿告王曰。此人雖有殺害業。籍重如山。生前嘗得其妻勸念金剛經一分功德。雖片紙重如山。惡簿合與免罪。放還陽間。天子敕曰。

就鑊湯內。取一杓湯淋其背。然後放還。因得再活。後患背疽。遍體潰爛。痛不可忍。百藥不能治。一日令妻就佛前代發願云。今後誓不殺生。病痊日。願自手書金剛經齋素受持。忽一夜夢見一僧。用手摩迪功背三匝。至天明。視其症已痊。更無痕瘡。

三世修行。王氏女白日昇天。

漢曹州雲和縣杏花村。王長者富而無子。夫妻二人誠心向善。拜敬佛天。施橋修路。齋僧祈龍。天早賜男女。行善十年無子。亦常恨天地不明。夫妻夜夢當方土地曰。你今生該富而無子。因你夫妻大積陰功。感動玉帝。賜你半子之分。其道人今在泗州寺。許看金剛經三十六歲未完。完則轉世。其人須善。奈好色貪財。故轉世只作女身。天帝命我來報你。今後再不可怨恨天地。亦有罪。夫妻覺來。其夢相同。二人同到泗州寺問。果然一道人看金剛經三十六歲未

完。仍欠六歲。夫妻請二十四僧。與其速完。其經完日。當夜道人坐化。王妻產下一女。年六歲。母故。王氏女七歲。看金剛經。度母。從此始。日夜看經無休。父娶後母。侯氏妻為室。帶來子侯七。吃酒賭錢。其後母拴同一路。將王長者家財。私竊與子侯七。去賭錢吃酒淫樂。王長者知子不才。一日往外討帳。將家中金銀重物鎖匙。私托王氏女收管。他自往外索債。其後母侯氏。欲要金銀與子去樂。私逼王氏女鎖匙。怪其不與。就將王氏女百般拷打。剥其衣鞋。赤腳竈下粗用。王氏女受苦不過。私逃故母墓邊。將欲自盡。大哭昏去。被山神土地掩定不醒。山神去托王長者一夢。言王氏女被侯氏打貶將死。你可速回救之。覺而一夢急回家。過故妻墓。見女哭訴緣由。與夢一毫無差。帶女歸家。將侯氏重責。侯七見責其母懷恨。夜至床。欲殺其父。奪其家財。佔王氏女為妻。豈天之不容。設殺其

母候七反告王長者及女殺他母命。前官不明坐王氏女殺母絞罪絞死七日。當方土地奏上天曹。差太白金星將金丹一顆救活此王氏復醒之言也。回家候七復告。後官問明坐候七殺母凌遲之罪。王長者與女發回寧家。其女入日日看經。王長者怪女日日看經太過不務家事。將他適與趙屠子為妻。見殺猪羊。王氏朝暮叫屈叫苦。勸夫不可宰殺地獄之罪難當。十年後生二女一子。趙夫亦為王氏所化。絕殺看經。夫妻雙修。不三年放白毫光若電。王帝閻王殿座皆浮不可坐。乃問鑿察神曰。陽世有何人神通若此。快請相見。神曰。王氏女也。即命童子來迎。王氏女見童女來請。即拂袖辭丈夫及衆親而化。至鬼門關奈河橋兩岸。及黃泉路上看經。救出無萬之罪人。到陰間閻王皆出相迎上殿賓客而坐。請對金剛經。此經看動。白毫光照地府如同白日。酆都地獄門鎖無匙。

自開枷鎖罪人。不待放而枷鎖盡皆解脫。皆至殿前拜謝王氏經力。經畢。王命送王氏還魂。又三七矣。趙夫不開棺。自想盛夏人死那有三七還魂之理。王氏復轉陰。閻王着送至豐州。張家為男身。又左脇批字二行。此是看經王氏女。得為男子轉陽間。以表幽冥之顯。以勸世人修善。注十八歲中狀元。授曹州知府。路過王氏墳。即曰。是我前世塚也。到府之日。即拘趙屠及子女。王長者到廳相見。具言前世事。衆皆不信。知府自解下衣曰。此左脇之字可証也。一府之人咸皆下拜。讚曰。大德活佛。如此顯神也。狀元自曰。我前世如此之苦。今生不易得也。即而表封印辭官。靈帝聞其異。准奏。敕贈修善狀元。即歸曹州。同前夫二女一男。勤修。盡念金剛經九載。一日五色祥雲自天而下。合家五口盡放白毫光騰空而起。後半年。狀元復來度父母。亦白日昇天而去。持誦金剛經證果終。

齋素念佛式

初一日。伏遇善惡童子神下界。繫念南無定光佛一千遍。不墮

山地獄

初八日。伏遇太子殿下界。繫念南無藥師琉璃光佛一千遍。不墮

鑊湯地獄

十四日。伏遇司命神下界。繫念南無賢劫千佛一千遍。不墮寒水

地獄

十五日。伏遇五道將軍神下界。繫念南無本師阿彌陀佛一千遍。

不墮劊樹地獄

十八日。伏遇閻摩天子殿下界。繫念南無地藏菩薩一千遍。不墮

拔舌地獄

二十三日。伏遇天大將軍殿下界。繫念南無大勢至菩薩一千遍。

不墮毒蛇地獄

二十四日。伏遇察命司下界。繫

南無救苦觀世音菩薩一千遍

不墮剉碓地獄

二十八日。伏遇泰山府君殿下界。繫念南無盧舍那佛一千遍。不

墮鋸解地獄

二十九日。伏遇四大天王殿下界。繫念南無藥王藥上菩薩一千

遍。不墮鐵林地獄

三十日。伏遇大梵天王下界。繫念南無本師釋迦牟尼佛一千遍。

不墮黑暗地獄

大唐京都弘福寺玄奘法師自西域回。上表獻太宗皇帝。十二月

分禮

佛滅罪文。

正月初一日。平明時。向南方禮佛四拜。滅罪一百劫。
 二月初九日。鷄鳴時。向南方禮佛四拜。滅罪一百劫。
 三月初七日。人定時。向西方禮佛四拜。滅罪一百劫。
 四月初八日。半夜時。向北方禮佛四拜。滅罪一百劫。
 五月初三日。黃昏時。向東方禮佛四拜。滅罪一百劫。
 六月初七日。午時。向東方禮佛四拜。滅罪四百八十劫。
 七月初六日。黃昏時。向東方禮佛四拜。滅罪三百劫。
 八月初八日。午時。向西方禮佛九拜。滅罪三百劫。
 九月初九日。午時。向南方禮佛九拜。滅罪一千劫。
 十月初一日。午時。向南方禮佛一拜。滅罪一千劫。
 十一月初三日。黃昏時。向西方禮佛九拜。滅罪一千劫。
 十二月初三日。黃昏時。向西方禮佛九拜。滅罪一千劫。

右十二月。每月依日時禮佛之功。並是天行賢聖集會之日。若有善男子。善女人。淨心伺候。時辰禮佛。三五年間。所求皆遂。若寫一本。流傳與人。滅罪恒河沙功德。如須彌山。深如大海。利益無窮。令一切衆生。皆得阿耨多羅三藐三菩提。若印施與世人。永無災障。福及七祖。超昇子孫。日盛。普勸大眾。依此教法。流通於世。其福利亦不可思議者矣。

金剛般若者。軒煩惱之慧劍。濟苦海之慈航也。無斷而斷。斷無明本。故喻之如金剛焉。非到而到。到涅槃岸。故目之為波羅蜜焉。其感應也。如大將用兵。所向無敵。不加謀畧。而能安朝廷。定禍亂。致斯民於仁壽之域。孰與齊其功業者哉。舊有感應傳。別本行世。讀是經。罕見之。今書此。并西域十二月分禮佛式。刻而附之。使受持者。觀因生善。獲最上乘。所謂衆生感心中。諸佛諸佛應心內。衆生

八王齋 每年受齋八日 立春日 春分日 立夏日

夏至日 立秋日 秋分日 立冬日 冬至日

佛以方便度不能持齋人建八王齋令人於四時八節覺浮生在世添一年正是減一歲於遷謝時生去日苦多來日苦少之想悟世無常早生善念戒此一日功比一年若能信受進之以年三長月年三月齋 每年受齋三月 正月 五月 九月 佛因具善根衆生方便發其良心謂縱不能清淨長齋亦須每年斷殺生斷食肉三月以啓其蒙故以正月元春歲月更新宜修善業五月歲中一年過半宜增好事九月收成一年殆盡尤宜惕省光陰迅速世相無常也大居宋 永正五九月不上官恐犒勞殺生犯上天善月之戒故齋此一月功比十年其能持已進之以月六短齋

月六日齋 每月受齋六日 初八日 十四日 十五日

廿三日 廿九日 三十日 月小廿八日當

此乃上界毘沙門天王巡視南洲之日故應修善並止身口七不善事畏天之威也每月初 天王躬幸一四日太子十五日使者廿三日如初八日周而復如 而至之處其土地井竈之神錄其男女差 惡之業從郡邑城隍轉甲於天王天王復奏上帝小惡則譴之以災悔中惡則減祿損壽大惡則覆宗絕嗣善則福應倍之故於此日宜加敬謹齋戒也 能孚信因果不差當受優婆塞五戒奉清淨長齋矣已上出諸大乘經畧摘其要如此



護國萬壽寺奉
聖旨
萬歲爺聖意發心刊板印造
金剛證果三千七百本施捨流行
大明萬曆二十年五月吉日







